

Илбагъандан белчудила бетуцлизир хябалра бяхичибиз дарх дузахъес гягъибиркур, цалра гълахлабяхъили.

Ишди программабани дарган мезла дурсрачиб дурхнала хатI ункъдиклахънила чебкатси хялнчйра бузахъни тIалаббирусисаби. Дарган мезла учительличи чебси саби бучлантала хатI къугъати диахъес къайгъилизие визсра.

Чедирти (5-11) классунала бучланти жузачил сабил пайдалабирахъес бурсибирниличи анцIбукъ бетикес гягъиниси саби, сенклун учитель даим мякълав хлейрар , багъудлуми биалли лерилра гямрулизир кайсес гягъинити сари. Ишди программабани цабутиаван жузазирад чус чули багъудлуми кайсахъес дурхли бурсибарнила мурадра тIашбалтуси саби.

Гергъиси замана Дагъистайзир миллатунала мез дучлахънила шайчир гяхIцад далдуцуни дурадуркIули сари: бехIбихъудла классуназир арагIерлира-сера лерил дурсри (гъайгъайра, хасси предмет саблин , урус мезла дурсри халхIедарили) миллатла мезличил кадирхъни; урга даражала чедирти классуназирра булан(10-11) миллатла мезани руркънилис хаста сягъятуну деклардарни, сарира гъалар агарти; шагъуртала школабазирра Дагъиста деклар-декларти миллатунала дурхнала хаста къукъни цаладяхъили, нешла мезла дурсри кадирхъни.

Ишди сагати программаби хясибли дарган мез 11 ибил классличи бикайчи делчлахъес чебилахъуси саби, илхIелира гъалар урдалтули дуибти грамматикала бутIнира алавуцули: фразеология, стилистика, орфоэпия, диалектология. Ишди программабани дарган мез гъаларичир тIинтIли ва мурухъли делчлахъес тIалаббириули саби.

ИшхIелла манзилла тIалабуну ва мурадуну хясибли, дарган мезла шайчир бучлантала имцIали саркъибти ва гячихъти бурсидешуну дизс гягъинити сари. Чедирти классунала цацабехIти дурхли жягъялла студентуну сабину, илди, практикалашал ахIенну теориялалашла гяхIил хIядурбиубтили бизс гягъинити саби. Илбагъандан ишди программабани мезла цацадехI къиянти суалтачира бучлантала пикри битIакIес ибси масъала тIашбалтули саби.

Гъайгъайра , 10-11 ибти классуназир дарган мех дучIилис чедаахъибти сягъятуну камти сари (жумягIлизиб ца сягъят). ВецIибил класслизир чедаахъибти 34 сягъятли лексика, фразеология, стилистика, фонетика ва морфология делчIес гягъинили сари , 11 ибил класслизиб_синтаксис. Камли сари илди сягъятуну.

Илбагъандан учительлис маслигъятбируси саби , гъалар делчIунти темаби тикрардирули, илди сагати баянтачил чедицлахъни, гIергъити дусмала гIилмула сархибдешуначи хъарихъули, дурхнала багъудлуми тIинтIдиклахъни.

ИшхIели даргала гяхIцад гъалабяхI арбякъунси ва мягIничерти чедибдешуну сархибси художественная литература леб , сунезирра лерилра-сера жанраби ва жураби акIлахъубси. Ил литературный мезличил белкIунси саби.

Гъарли -марли чекабизурли ва бархъли , сегъунтипра гъарацIдешуну агарли, даргала литературный мезличил гъайбикIнила бурсидешуну тIалабдирули сари бучлантазирад ишди программабани . Илала дурабад, дурхлани гячихъли багъес гягъиниси саби даргала литературный мез акIнила история ва илди къулайдиклахънила шайчибси гялимтала ва педагогунала хIянчи.

Урга даражала школа таманбирити дурхлани литературный мезла(орфоэпияла) къяйдуртачил дарх лукIнила къяйдуртира ункъли далес гягъинити сари.

Дарган мезла дахъал диалектуну ва лугъатуну лерни гячихъси саби. Дурхнала дахъалгъунти хатIабир илди лугъатунала хъулчиличир алкIули дирар. Илбагъандан программабазиб пикри бяхIчиули саби дарган мезла диалектунала ва лугъатунала хIекълизирра дурхнала белгити багъудлуми диахъниличи.

Дарган мезла дурхнала творчестволаси бяхIчибиз бяхънира лайикъсили чебиули саби. Илбагъандан халкъла мухIлила произведениеби(хабурти, далуйти, буралаби, багъираби, фразеологизмаби) дурчниличи деклар-декларти поэтунала ва писательтала